

Սոցիալական պատմություն «ԻՄ ԾՆՈՂՆԵՐՆ ԱՄՈՒՍՆԱԼՈՒԾՎԵԼ ԵՆ»

Ամուսնալուծությունը բերում է բազմաթիվ փոփոխություններ և մեծ հույզեր ինչպես ծնողների, այնպես էլ նրանց երեխաների համար, երեխան կարող է հարցեր ունենալ այն մասին, թե ինչու են իր ծնողներն ամուսնալուծվում, որտեղ կամ ծնողներից ում հետ է ինքն ապրելու, երբ կարող է տեսակցել ծնողներից մեկին, որտեղ և երբ է քնելու, և այլն:



Այս սոցիալական պատմությունը կօգնի հոգեբաններին (աջակցող մասնագետներին, ծնողներին) նվազեցնել երեխայի անհանգստությունը ծնողների ամուսնալուծության հետ կապված, ինչպես նաև շատ պարզ և մատչելի ձևով բացատրել երեխային իր հետ կամ իր կյանքում տեղի ունեցող կամ սպասվող փոփոխությունները:

Ծնողների ամուսնալուծության փաստը երեխաներին բացատրելը հեշտ չէ, առավել ևս եթե խոսքը գնում է կրթության առանձնահատուկ պայմանների կարիք ունեցող երեխաների մասին: Երեխաները կարող են տարբեր կերպ վերապրել սոցիալական պատմությունները՝ կախված իրենց հնարավորություններից: Օրինակ, եթե երեխաները չեն կարդում, կարող են կարդալ նրանց համար կամ ձայնագրել պատմությունը և միացնել այն՝ երեխայի կարդալուն զուգահեռ (սկարներով, սիմվոլներով):



Այս պատմությունը որպես լրացուցիչ աշխատանքային նյութ հատկապես կիրառելի կլինի աուտիստիկ սպեկտրի խանգարումներ կամ զարգացման այլ խնդիրներ ունեցող երեխաների հետ աշխատանքում, քանի որ պատմությունը պարզեցնում է այն մասերը, որոնք երեխաների համար դժվար ըմբռնելի են, և նախապատրաստում է նրանց սպասվող իրավիճակներին՝ դարձնելով դրանք ավելի քիչ ճնշող:



Սոցիալական պատմություն

«ԻՄ ԾՆՈՂՆԵՐՆ ԱՄՈՒՄՆԱԼՈՒԾՎԵԼ ԵՆ»

1	Իմ մայրիկն ու հայրիկը սիրում են ինձ:	2	Մայրիկիս ու հայրիկիս համար դժվար է ապրել նույն տանը: Նրանք ամուսնալուծվել են:	3	Մայրիկս ապրում է մի տանը: Երբեմն ես ապրում եմ նրա հետ:
4	Հայրիկս ապրում է մեկ այլ տանը: Երբեմն ես ապրում եմ նրա հետ:	5	Կլինեն պահեր, երբ ես կկարոտեմ մայրիկիս:	6	Կլինեն պահեր, երբ ես կկարոտեմ հայրիկիս:
7	Երբեմն ես տխուր կամ անտրամադիր կլինեմ: Տխուր լինելը կամ տրամադրություն չունենալը նորմալ է:	8	Շուտով ես նորից երջանիկ կլինեմ:	9	Հիմա ես երկու տուն ունեմ:
10	Ես կարող եմ զվարճանալ երկու տանը:	11	Մայրիկս և հայրիկս՝ երկուսն էլ սիրում են ինձ:	12	Ամեն ինչ լավ կլինի: